



Giusep Schmid

*3-12-1921 † 27-09-2004

Giusep Schmid ei naschius ils 3-12-1921 ella casa dils «Plazis Schmids» a Sedrun sco 6avel affon da Placi Sigisbert ed Onna-Maria Schmid-Deragisch. Ord quell la lètg sortan 12 affons. Il treischumellin cul defunct Giusep, igl emprem Placi Sigisbert miera già immediat suenter la naschientscha. Ina gronda famiglia che porta bia suilegl e legria als geniturs, denton era quietus e fastedis. Ins s'imagineschi las semplas e stretgas relaziuns da lura.

Ensemen cun sias 4 soras e ses 7 frars ha il Giusep, il benjamin dils treischumellins, gudiu ina bial'affonza e carschius si en ina sempla mo ventireivla famiglia purila. Gia baul ha'l giu da segidar a casa ed ira a fumegl. Pli tard ha el lu fatg il cavrer da Sedrun. Il schaner 1939 miera il bab. Al Giusep ha ei tuccau da star a casa e far il pur cun la mumma Onna-Maria ed ils fargliuns pigns.

Il puresser ha el surpriu ils anno 1952 e menau tal ensemen cun la mumma entochen che lezza ha stuiu serender egl asil s. Vgeli ca. ils anno 1976 e lu morta ils anno 1981. Silsuunter ha il Giusep aunc fatg persuls il pur e luvrau tier las pendicularas. Dapi circa 1994 ha el lu gudiu la sera-sontga dalla veta, demai che era las forzas havevan schau suenter.

Sia gronda pissiun fuvan las troccas. Leu saveva el lu era serebalzar e sevilar sche siu partenari haveva il disclctg da giugar encunter sia veglia. In bien e fideivel survient eis el era staus tier la sociedad da musica nua ch'el ha fatg part 26 onns sco com member activ ed era vegnius numnaus commember d'honur e cantunal.

Avon 4 onns ha il Giusep stuiu prender dimora ella casa da vegls s. Vigeli. Dapi in onn ha ina malsogna maligna fatg fastedis ad el.

El rauassi en pasch.